

Boletin informativo

Di promé trimèster 2024

Invertí sosialmente responsabel na PCN



Ku hopi plaser nos ta presentabo e boletin informativo aki. Den e edishon spesial aki bo ta lesa kon PCN ta invertí sosialmente responsabel. E último periodo nos a traha duru pa hasi nos invershonnán mas duradero. Naturalmente e rendimentu finansiero pa bo penshun ta keda number un. Na mes momento PCN ta kontribuí na un futuro duradero.

For di awor nos ta ponebo kada aña na altura tokante e tópiko aki. E biaha aki via e boletin informativo aki. Naturalmente bo ta haña tur informashon tambe riba nos website. Den e edishon aki bo ta mira entre otro kiko nos partisipantenan ta haña di e tópiko aki. I kiko PCN a hasi ku e resultadonan di e investigashon di partisipante. Tambe bo por tira un bista den nos plannan pa futuro, ku kua nos ke sigui konservá nos invershonnán.

Na nòmber di direktiva di PCN mi ta deseábo hopi plaser ora di lesa!

Gerard Bergsma, miembro di direktiva pa e área di atenshon Atministrashon di Fondo Finansiero

Invertí duradero pa bo penshun



Na 2022 nos a puntra abo i tur otro partisipante kon importante durabilidad ta pa abo i kon importante bo ta haña durabilidad di nos invershonnán. Aki bo por lesa en breve e resultadonan di e investigashon aki.

Importante

Mayoria partisipante (68%) ta haña importante ku PCN ta tene kuenta ku durabilidad. Mayoria (64%) ta spera finalmente di tin un mihó penshun si PCN invertí den empresa- i paisnan duradero. Si empresanan no ta alkansá e metanan di durabilidad, nan (74%) ke pa drenta den kòmbersashon ku e empresanan aki (engagement).

Temanan

Banda di esei partisipantenan ta haña ku PCN no mester invertí den empresanan ku no ta tene nan mes na lei (81%). Ta trata e ora ei di derechonan humano, derechonan laboral, medio ambiente i antikorupshon. E partisipantenan a skohe tres tema ku nan a haña mas importante. Esakinan ta bon gobernashon, bon salubridat i bienestar i energia duradero i pagabel.



Invertí responsabel

PCN ta komprometé su mes pa invertí sosialmente responsabel. Den e resúmen aki bo ta mira kiko PCN ta hasi pa hasi e invershonnan mas duradero. Tambe bo por tira un bista den nos plannan pa futuro, ku kua nos ke sigui ámplia e durabilidad di nos invershonnan. Bo ke sa mas di nos maneho di invertí responsabel? Bishitá nos website.

Esaki ESG ta nifiká

Ta yama invertí duradero tambe invertí-ESG. E lèternan ESG ta para pa Environment (Medio ambiente), Social (Sosial) i Governance (Maneho). Esaki ta e tres áreanan kaminda bo por mira si un empresa ta duradero.



Environment

Kon e empresa ta trata por ehempel ku energia i medio ambiente



Social

Kon e empresa ta trata ku por ehèmpel personal



Governance

Kon ta manehá e empresa

Kon nos ta invertí duradero?

Nos maneho pa invertí duradero ta konsisití di vários elemento.



Nos ta kumpli ku lei- i reglamentonan



Nos ta ekskluí empresa- i paisnan a base di norma- i balornan mínimo pa loke ta trata derechonan humano, normanan di labor, medio ambiente i antikorupshon



Nos ta integrá faktornan-ESG den nos proseso di invershon. Nos atministradónan di fondonan finansiero ta inkluí informashon di ESG na momento di prepará e portafolio



Nos ta kontrolá nos atministradónan di fondonan finansiero ku raportahenan ESG di manera ku nos por wak si ta bai bon



Nos atministradónan di fondonan finansiero ta hasi uzo di voto i bai den kòmbersashon ku empresanan. Asina nan tin influensia riba durabilidad di nos invershonnan

Liña di tempu

Asina a desaroyá e maneho di PCN pa invertí duradero den transkurso di añanan.



Prinsipionan

Prinsipionan di Global Compact

- Ta skrin tur empresa den e portafolio di invershon segun e prinsipionan di Global Compact.
- Global Compact ta un iniciativa di Nashonnan Uní i ta konsisití di 10 prinsipio universal ku ta basá riba diferente, tratadonan general rekonesé, manera e Tratado Universal di Derechonan Humano i e tratado di Nashonnan Uní kontra korupshon.



Prinsipionan pa Invershon Responsabel (PRI)

- Gerentenan ku a firma e prinsipionan-PRI pa invertí responsabel ta manehá tur invershon.
- Esaki ta nifiká ku atministradónan di fondonan finansiero a komprometé nan mes pa inkluí medio ambiente, aspektonan sosial i públiko den nan desishonnan pa invertí i raportá esaki.



Temanan



Bon gobernashon

Internashonal:

- Hiba kòmbersashon ku empresanan ku no ta kumpli ainda ku e prinsipionan di Global Compact
- Duna atenshon na invertí sosialmente responsabel mediante keda wak loke por mihó

Lokal:

- Keda guia i midi resultado



Energia pagabel i duradero

Internashonal:

- Riba tereno di klima emishon di CO2 a baha na momento di a kumpra un fondo di akshon nobo

Lokal:

- Fiansa na supermerkadonan pa pone panelnan solar na Boneiru



Bon salubridat i bienestar

Lokal:

- Fiansa pa ampliashon di sentro médiko na Saba
- Fiansa pa maneho di naturalesa na Boneiru
- Invershon pa renovashon manteniendo balor históriko pa metanan ekonómiko i sosial na Sint Eustatius

Aktivitatnan 2024 – 2025



Sigui ámplia portafolionan lokal na un manera ku ta bon pa hende, medio ambiente i sosiedat di moda ku ta stimulá ekonomia na Boneiru, Sint Eustatius i Saba.



Investigá maneranan pa refsorsá dentro di e portafolio e enfóke riba e temanan mas importante ku nos partisipantenan a skohe: bon gobernashon, energia pagabel i duradero, bon salubridat i bienestar.



Diálogo periódiko ku stakeholders.



Sigui investigá otro posibilidat den e portafolio pa redukshon di CO2.

Reglanan nobo

Ku e resultadonan di e investigashon di partisipante PCN a sigui deraroyá e maneho di invershon. Tambe nos a konkre-tisá nos regla- i metanan tokante durabili-dat di nos invershonnan. Ku raportahenan nos ta vigilá bon si nos invershonnan ta kumpli ku esakinan tambe.

Puntonan di lansa

PCN tin tres tema komo punto di lansa. Esakinan ta e puntonan ku nos partisipan-tenan a skohe:

1. Bon gobernashon;
2. Energia duradero i pagabel;
3. Bon salubridat i bienestar.

Aña pasá nos a wak kon PCN por sigui kon-tribuí na e temanan aki i nos lo sigui hasi esei e añanan benidero.

Asina nos tin influensia

Asina nos ta pèrkuá pa e invershonnan kumpli ku nos eksigensianan di durabilidad.

1. Nos no ta invertí den empresa- òf paisnan ku no ta kumpli ku e reglanan aki. Esaki ta ekskluí invershonnan.
2. Nos ta invertí si òf solamente den empresa- òf paisnan ku ta kumpli ku nos regla-nan. Esaki ta e maneho di inklushon.
3. E atministradónan di fondo finansiero ta bai den kòmbersashon ku empresanan ku ainda no ta kumpli ku e prinsipianan di UN Global Compact. E ora ei nan ta haña e oportunidat pa adaptá nan proseso di produkshon òf nan maneho . Tambe e atministradó di fondo finansiero di nos portofolio di akshonnan por vota riba reunionnan di akshonista.
4. Nos por tin influensia tambe via nos invershonnan lokal.

DEN PRÁKTIKA

Fondonan di akshon internashonal mas duradero

PCN ta dal stapnan konkreto pa hasi e invershon di akshonnan mas duradero. Kuater fondo di akshon regional di atminis-tradó di fondo finansiero Blackrock nos a troka pa un fondo di akshon nobo. Esaki ta e fondo indeksá kontrolá Developed World ESG. E fondo aki ta ekskluí invershonnan ku no ta kumpli ku reglanan di PCN. Por ehèmpel pa motibu di armanan kontro-versial i sivil, energia fósil, violashon di UN Global Compact i industria di tabako. E fondo aki ta invertí hustamente mas den empresanan ku konosé un emishon di CO2 mas abou. Ku esaki e invershonnan inter-nashonal di PCN ta bira mas duradero i ta pas ku e temanan ku a skohe.

Vota pa reunionnan di akshonistanan òf hiba e kòmbersashon

PCN ta invertí via atministradónan di fondo finansiero. Via nan nos ta ehersé influensia

Ekskluí

Un regla importante ta ku nos no ta invertí den e siguiente empresa- òf paisnan:

1. Si nan ta violá e prinsipianan di UN Global Compact seriamente;
2. Si nan ta enbolbí den produkshon di clustermunitie;
3. Òf si ta trata di paisnan ku no ta tene nan mes na tratadonan internashonal.

Preferiblemente nos no ta invertí tampoko den invershonnan ku ta en pugna di nos tres pintonan di lansa. Sierto fondonan di invershon ta ekskluí tambe a base di otro regla. Por ehèmpel produkshon di tabako, energia fósil òf armanan kontroversial i sivil.

riba durabilidad di nos invershonnan. Un atministradó di fondonan finansiero ta hasi esei depositando un voto den reunionnan di akshonista òf hibando e kòmbersashon. Nos ta kontrolá si esei ta sosodé realmente riba e temanan ku PCN ta haña importante. I esei ta e kaso. Nos ta verifiká regular-mente si esaki ta òf ta keda asina ainda.

Invershonnan lokal

Na nos invershonnan lokal tambe nos ta pone atenshon na e tres puntonan di lansa. Akinan si ainda nos mester tuma akshon. Entre otro nos ke:

1. Tema bon gobernashon: guia mihó i midi resultadonan.
Ku un par di proyekto nos ta kontribuí positivo kaba;
2. Tema bon salubridat i bienestar:
 - a. PCN ta bai fasilitá un fianza pa amplias-hon di un sentro médiko na Saba;
 - b. PCN ta bai fasilitá un fianza na un empresa ku ta kontribuí na



PCN OFISINANAN

Ofisina di PCN Boneiru

Kaya General Carlos Manuel Piar #5, Boneiru

T +599 717 09 84

E info-bonaire@pensioenfonds-cn.com

Orarionan ku ofisina ta habrí: Djaluna t/k djaweps 8.30 te 12.00 or i di 13.00 te 16.00 or. Djabièrnè 8.30 te 12.00 or.

Ofisina di PCN Statia

Mazinga Square, Oranjestad, Sint Eustatius

T +599 318 32 18 / M +599 416 68 60

E info-statia-saba@pensioenfonds-cn.com

Orarionan ku ofisina ta habrí: Djaluna t/k djabièrnè 8.00 te 12.00 or.

Saba

T +599 416 68 60

E info-statia-saba@pensioenfonds-cn.com

Alkansabel via telefon:

Djaluna t/k djabièrnè 8.00 te 12.00 or.

Onlain

F facebook.com/PensioenfondsCN

I www.pensioenfonds-cn.com

Bo ke sa mas tokante di invertí so-sialmente responsabel? Tira un bis-ta den e páginan completamente renobá riba nos website. Skèn e kódigo QR ku bo telefon selular òf bo tèblet i tira un bista mesora.



- a. konservashon di naturalesa na Boneiru;
- c. PCN ta invertí pa renobashon di un edi-fisio monumental preservando e balor históriko pa metanan ekonómiko i sosial na Sint Eustatius.
3. Tema energia duradero i pagabel: PCN a fasilitá un lease di energia solar na supermerkadonan na Boneiru, kaminda a instalá 700 panel solar.